

INUIT ATAQATIGIIT

INATSISARTUNI



UKA2022/128

Ulloq saqqummiivik: 12.10.2022

Illit atit: Mikivsuk Thomassen

**Kalaallit Nunaanni meeqqat pillugit inatsisip Kalaallit Nunaannut
atuutilersinnissaanut peqqussutissatut missingiummut aamma
meeqqat pilersorneqarnerat il. il. pillugu inatsisip Kalaallit Nunaannut
atuutilersinnissaanut peqqussutissatut missingiummut
Namminersorlutik Oqartussat akuersinissaat pillugu Inatsisartut
aalajangiiffigisassaattut siunnersuut.**

(Meeqqanut, Inuuusuttunut, Ilaqutariinnut Peqqissutsimullu Naalakkersuisoq)

Siullertut qujarusuppunga saqqummiisumut.

Qujavugut meeqqat pillugit suliniutit ingerlaavartuummata.

Anaanaasinnaaneq ataataasinnaanerlu tamatsinnut pingaaruteqartuuvoq meeqqamullu peqqinnartuulluni.

Ilanngullugu eqqaarusussinnavara qanga uersakkatut isigineqarsimasut imaannaanngitsumik isigineqartarnikuummata, allaat inuunerup allangorluinnarneranik kinguneqarsinnaasarluni, tamannalu soorunami peqqinnartuunngilaq, alloriaateqalernerli pitsasutut isigilluinnarpara meeqqanullu isumalerujussuuvoq soorunami ilaqtariinnullu Inuit Ataqatigiinniit nuannaarutigeqaarput ineriartornerup malitsigisaanik alloriarnerummat anaanaqarsinnaaneq ataataqarsinnaanerlu isumanni pingaaruteqarluinnarmat.

Ilanngullu eqqaassavara una inatsit pilersinneqartussaq ilaqtariinnut tamanut pitsasutut isigilluinnarakku.

Inatsisitigulli illersorneqartussaanerat naqissuserneqartussaanerat pissusissamisoorluni assigiissumillu pineqartussaaneq

INUIT ATAQATIGIIT

INATSISARTUNI



pinngitsoorneqarsinnaannani, arnaappata angutaappaluunniit inooqatigiit tamanna nuannaarutigalugu Inuit Ataqatigiinniit oqaatigerusupparput.

Naalakkersuisut kaammattorusuppakka una suli inuttaasunut pitsaasumik siamarneqarumaartoq.

Taamatut oqaaseqarluta ataatsimiititalimut ingerlateqqinngikkaluarlugu aappassaaneerneqarnissaa innersuupparput.